



Sofia Geisler
Inatsisartuni ilaasortaq, Inuit Ataqatigiit

§ 37 naapertorlugu vikaarit tiiminut apeqqummut nr. 286-imut akissut

19-11-2018
Sagsnr. 2018 - 23345
Dok. nr. 9271021

Asasara Sofia Geisler,

Inatsisartut Suleriaasiat naapertorlugu apeqqutinnut qujanaq. Taakkua ataani akissavakka.

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

1. Meeqqat atuarianni tiimit atuartsivissat pilersaarutaareersut qassit piffissaq kingulleq vikarilerneqarpat ukiuni 2016/2017 aamma 2017/2018?

Akissut: Meeqqat Atuarfiat pillugu qitiusumit (Ilinniartitaanermut Aqutsisoqarfimmiit) paasissutissanik katersisoqartarpoq. Tassani tiimit ilinniartsiffiusut amerlassusai tiimit ilinniartsiffiusussat pilersaarutigineqartut naammassineqarsimasut kisimik paasissutissatut katersorneqartarput.

Ilinniartitaanermut Aqutsisoqarfiup paasissutissaataanit takuneqarsinnaanngilaq, tiimit ilinniartsiffiusut klassip aalajangersimasumik ilinniartsisuanit, aalajangersimannngitsumik imaluunniit aalajangersimasumik vikaarinit naammassineqarsimanersut. Tamanna aamma ukiuni atuariusuni 2016/2017-imut aamma 2017/2018-imut atuuppoq.

2. Meeqqat atuarianni tiimit atuartsivissat pilersaarutaareersut qassit timelærinit / vikarinik aalajangersimasunik isumagineqartarpat ukiuni 2016/2017 aamma 2017/2018?

Akissut: Meeqqat Atuarianni ilinniartsisut qanoq amerlatigisut meeqqat atuarianni ilinniartsisutut naammassisimasut aamma timelærerit kiisalu tiimit atuartsiffiusut qanoq amerlatigisut ingerlanneqarsimanersut pillugit qitiusumit paasissutissanik katersisoqartarpoq.

Paasissutissanit takuneqarsinnaanngilaq, nalunaaquttap akunneri ilinniartsiffiusut timelærerinit aalajangersimasumillu vikaarinit isumagineqarsimanersut. Tamanna aamma ukiuni atuariusuni 2016/2017-imut aamma 2017/2018-imut atuuppoq.

3. Fagit soorliit piffissaq kingulleq vikarilerneqartarpat ukiuni 2016/2017 aamma 2017/2018?

Akissut: Nalunaaquttap akunneri atuartsiffiusut naammassineqarsimasut pillugit qitiusumit paasissutissanik katersisoqartarpoq. Fagit soorliit vikaarinit aalajangersimannngitsunik ingerlanneqarsimanersut paasissutissat tunngavigalugit

takuneqarsinnaanngillat. Taamanna aamma ukiuni atuarfiusuni 2016/2017-imut aamma 2017/2018-imut atuuppoq.

4. Meeqqat atuarfianni tiimit ukiuni 2016/2017 aamma 2017/2018 atuartitsivissat pilersaarutaareersut piffissaq kingulleq vikarilikkanik atuinermi kommunini sorlarni atuinerpaappat?

Akissut: Tiimit atuartitsiffiusut ingerlanneqarsimasut pillugit paasissutissat qitiusumiit katersorneqartarput. Paasissutissanit takuneqarsinnaanngilaq, kommunit ataasiakkaat tiiminut atuartitsiffiusunut pilersaarutaasunullu vikaarinik atuisimanerat. Taamanna aamma ukiuni atuarfiusuni 2016/2017-imut aamma 2017/2018-imut atuuppoq.

5. Meeqqat atuarfianni angerlarsimaffimmiluunniit atuartussaataitanermut meeqqat malinnaasussat qassit tiimini malinnaanngitsut / peqanngittartut pillugit paasissutissanik aaqjissuussamik katersanik peqarpa?

Akissut: Meeqqat Atuarfiat pillugu Inatsisartut inatsisaanni nr. 15-imi 3. december 2012-imeersumi § 43, imm. 1, kingullermillu Inatsisartut inatsisaatigut nr. 21-kkut 13. november 2017-imeersukkut allanngortinneqartuq, naapertorlugu kommunalbestyrelsit illoqarfimmi atuarfiit akisussaaffigaat aammalu nakkutigissallugu, kommunimi meeqqat atuartussaataitaasut tamarmik Meeqqat Atuarfiannut allatsinnissaat imaluunniit Meeqqat Atuarfianni piumasaqaataasut naapertorlugit atuartinneqarnissaat akisussaaffigaat. Meeqqat Atuarfiata ingerlanneqarnera kommunalbestyrelsip anguniagassat killissallu tungaasigut aalajersartarparaa. Kommunalbestyrelsip atuarfiup atuunera ingerlaavartumik nakkutigisarpaa, tassunga ilanngullugu Inatsisartut inatsisaat naapertorlugu aalajangersakkat eqquutsinneqarnersut.

Tunngaviumik atuarfiit kiffaanngissuseqartut aamma angerlarsimaffimmi atuartitsineq il.il. Inatsisartut inatsisaat nr. 10 15. april 2003-meersumi § 25, kingullermik Inatsisartut inatsisaatigut nr. 16-ikkut 20. november 2006-imi allanngortinneqartukku kommunalbestyrelsi kommunimi meeqqap najugaqarfianiittoq tassaavoq, atuartitsinermik meeqqap angerlarsimaffiani pisumi il.il. nakkutiginnittuusoq.

Meeqqat atuartussaataitaasut Meeqqat Atuarfiannik imaluunniit angerlarsimaffimmi ilinniartitsinermik malitaqanngitsut qanoq amerlatiginersut paasissutissanik aaqjissuussaasumik qitiusumit katersisoqarneq ajorpoq.

Ilinniartitaanermut Aqutsisoqarfiup meeqqat atuartussaataitaasut ukiullit Meeqqat Atuarfianni imaluunniit angerlarsimaffimmi atuartinneqanngitsut paasigaangamiuk, ilinniartitaanermut Aqutsisoqarfiup pissutsit ataasiakkaat naapertorlugit malitseqartitsinissaq akisussaaffigaa kommunilu qinnuigalugu, atuartussaataitanermut aalajangersakkat unioqqutinneqartut aaqjissuteqarfigeqqullugit.

6. Meeqqat atuarfianni angerlarsimaffimmiluunniit atuartussaataitanermut meeqqat malinnaasussat qassit tiimini malinnaanngitsut / peqataanngitsut pillugit illoqarfikkaartumik nunaqarfikkaartumillu paasissutissanik sukumiisumik katersukkanik peqarpa?

Akissut: Kommunalbestyrelsip kommunip atuarfiinut aamma angerlarsimaffimmi atuartitsinermut akisussaanaera pillugu apeqqummi nr. 5-imi akissutip immikkoortua siulleq takuuk.

Atuarfinni sorlarni imaluunniit illoqarfinni nunaqarfinniluunniit sorlarni meeqqat
atuartussaataasut Meeqqat Atuarfianni imaluunniit angerlarsimaffimmini
atuartinneqarnersut pillugit qitiusumik paasissutissaateqartoqanngilaq.

Aammattaaq meeqqat qanoq amerlatigisut Meeqqat Atuarfianni imaluunniit
angerlarsimaffimmi atuartitsinermik malinnaannginnersut pillugit
paasissutissaateqartoqanngilaq.

Inussiarnersumik inuulluaqqusillunga

Ane Lone Bagger